



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Ազգային տոների, ծեսերի կազմակերպման առանձնահատկությունները կրթական գործընթացում

Դաստիարակ՝ Միլանյա Փանոսյան

Մանկապարտեզ՝ «11» ՀՈԱԿ

2022թ.

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ 2

ԳԼՈՒԽ 1..... 4

ԽԱՂԵՐԻ ԿԻՌԱՌԻՄԸ ՀԱՅ ԺՈՂՈՎՐԴԱԿԱՆ ՏՈՆԵՐՈՒՄ և ԾԵՍԵՐՈՒՄ

ԳԼՈՒԽ 2 9

ԾԵՍԵՐԻ ԵՎ ՏՈՆԵՐԻ ԴԵՐՆ ՈՒ ՆՇԱՆԱԿՈՒԹՅՈՒՆԸ ԸՆՏԱՆԻՔՈՒՄ

ԵԶՐԱԿԱՑՈՒԹՅՈՒՆՆԵՐ11

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ.....12

ՆԵՐԱԾՈՒԹՅՈՒՆ

Մեր ժողովրդի մեջ տոն ունենալու և այն նշելու ձգտումը շատ մեծ է: Իրականում հայ ժողովուրդն իր հարուստ մշակութային անցյալում նաև հարուստ մշակութային տոնացույց է ունեցել: Այն տոները, որ հայ ժողովուրդը նշում էր դեռևս հարյուր տարի առաջ շատ քիչ են պահպանվել մեր կենցաղում: Չնայած դրան որոշ տոներ առանձին շրջաններում շարունակում են պահպանել իրենց կենդանությունը. դրանցից են՝ Վարդավառը, Համբարձումը, Մբ. Ջատիկը, Տյառնընդառաջը, Մբ խաչը, Մբ ծնունդը և այլն:

Տոնը թերևս մշակութի այն տարրն է, որն առավել պահպանողական է ազգային արժեքների պահպանման գործում, ինչը խիստ կարևոր է մշակութի բազմաթիվ տարրերի ազգայնացման մեր դարաշրջանում: Բազմաթիվ ժողովուրդներ տոնական օրերին են վերապահել ազգային խոհանոցի, ազգային տարազի, ազգային երգ ու պարի, ազգային խաղերի պահպանման ու ժառանգության գործը:

Թեման արդիական է քանի որ, անընդհատ զարգացող աշխարհում յուրաքանչյուր ժողովուրդ փորձում է պահպանել իր գաղափարները, պատմությունը և էթնիկ առանձնահատկությունները՝ դարեդար փոխանցելով սերունդներին: Իսկ ազգայինի պահպապումը սկսում է հենց մանկապարտեզի նստարանից, երեխայի ամենանոր ձևավորվող աշխարհընկալումից:

Աշխատության նպատակն է, փորձնական միջոցներ կիրառելով՝ սովորեցնել թե որքան կարևոր են մեր ազգային մշակութային արժեքների փոխանցումը և պահպանումը, ազգային մտածողությամբ և ոգով սերունդներ դաստիարակելը: Ազգային տոների ցուցադրումը նպաստում է երեխայի ֆիզիկական, մտավոր երևակայական զարգացմանը: Յուրաքանչյուր երեխա անհատապես է ընդգրկվում ծիսական արարողակարգի մեջ, անհատապես է ընկալում և յուրացնում ծեսի արժեքը և իմաստը: Ուստի ծեսի ներկայացման գործում առանձնահատուկ են խաղերը, որի մեջ երեխան ներգրավվում է իր կարողությունների չափով: Ստեղծվում է պայման

զարգացելու մտքի ճկունությունը, հմտությունները, երևակայությունը, հիշողությունը
և հարստացնում բառապաշարը:

Ծեսն ամբողջությամբ իմանալու, ըմբռնելու և իրենը դարձնելու համար հարկավոր է
անպայման ներգրավվել

նախապատրաստման գործընթացին, ծիսական միջավայրի ստեղծմանը, միասին պա
տրաստել ծիսական պարագաներ, ծիսական կերակուրներ, սովորել ծիսական ազգայ
ին երգեր, պարեր: Ծեսի ներկայացման ընթացքում իմանալ իր դերը: Իսկ մենք՝
մեծերս էլ պետք է գիտակցենք, որ բոլորը հավասար մասնակից են՝ իրենց կարողությ
ունների սահմաններում: Այս դեպքում երեխան կդառնան
ծեսն իմացող, կրող, փոխանցող:

Ներկայացման տարրեր ունենալով հանդերձ՝ տոնը ներկայացում չէ, այն
կատարողներ և հանդիսատեսներ չունի, այլ բոլորը մասնակիցներ են կատարողներ և
ուրեմն մշակույթի ազգային արժեքների հաղորդակիցներ:

Աշխատության մեջ առաջին գլխում անդրադարձել ենք խաղի
առանձնահատկության մասին, ինչպիսի դերակատարում ունի և ինչպես է
զարգացնում խաղը երեխաների մտածողությունը, ճկունությունը, խոսքը և այլն:
Մանրամասն ներկայացնում ենք, թե ինչպես է խաղի միջոցով կազմակերպվում
երեխաների ուսուցումը և դաստիարակման կարևորագույն մասը:

Երկրորդ գլխում խոսվում է ընտանիքում ծեսերի կազմակերպման Կարևորության
մասին: Ներկայացվում է ծնողների գործառույթների մասին, թե ինչպես պետք է
մասնակցեն դաստիարակման գործընթացին, հետևեն կազմակերպման պրոցեսին և
մասնակից դառնան ցուցադրվող տոնին: Ներկայացվում է, թե ինչպես են
փոխաներագրում ընտանիքը, ծնողները և շրջակա միջավայրը երեխայի վրա:

ԳԼՈՒԽ 1

ԽԱՂԵՐԻ ԿԻՌԱՈՒՄԸ ՀԱՅ ԺՈՂՈՎՐԴԱԿԱՆ ՏՈՆԵՐՈՒՄ և ԾԵՍԵՐՈՒՄ

Խաղը երեխայի գործունեության հիմնական ձևն է, որը տեղի է ունենում, ինչպես երեխայի նախաձեռնությամբ, այնպես էլ մեծահասակների, դաստիարակի նրբանկատ աջակցությամբ և ուղղորդմանը: Երբ հմտություններն ու գիտելիքները ուսուցանվում են խաղի միջոցով, ապա երեխաները ներգրավվում և հետաքրքրվում են, հասկանում և մտապահում են տեղեկատվությունը: Խաղը էական նշանակություն ունի երեխայի մտավոր, ֆիզիկական, սոցիալական և հուզական զարգացման համար: Երբ երեխան իր կամքով, ազատ և անվերջ շփվում է այլ մարդկանց կամ իրերի հետ և պահպանում է իր բուռն հետաքրքրությունը, նա սովորում է: Հետազոտության, փորձի և սխալի խելամիտ վերլուծության միջոցով նա իր համար բացահայտում է աշխարհում տիրող ամենախորիմաստ և հիմնավոր համակարգերն ու կառուցվածքները: Խաղը երեխային հնարավորություն է տալիս գննել, ստուգել, զարգացնել մտքեր և գաղափարներ: Խաղալու համար երեխան պետք է փոխներգործի որևէ իրի կամ մարդու հետ:

<<Սուրբ Զատիկ>> տոնի անցկացումը մանկապարտեզում

Զրույց տոնի վերաբերյալ:

Երեխաներ՝ ընդուն արդեն բավականին մեծ էք և հավանաբար կհիշեք, թե նախորդ տարի ինչպես էք անցկացրել Հարության տոնը կամ Զատիկը: Քանի որ մոտենում է Զատիկի տոնը, ո՞վ կարող է պատմել ի՞նչ է այն և ինչպե՞ս ենք նշում: Երեխաներին լսելուց հետո ավելացրի, որ յուրաքանչյուր հայ մարդ պետք է ճանաչի, հասկանա, պահպանի և ամենակարևորը այդ արժեքները կրողը և փոխանցողը լինի:

Երեխաներին շատ հետաքրքրեց այս զրույցը և նրանք անհամբեր շարժումներով ցանկացան սկսել տոնի պատրաստությունը:

Զրույցից հետո կարդում են հանելուկներ.

Տուն ունեմ, դուռ չունի,

Դուրսն արծաթ մեջը ոսկի:

Շնչավորից անշունչ ելավ, անշունրից շնչավոր:

Այսօր կլոր մարմար քար,

Վաղը թռչնի վեր ու վար:

Հանելուկները գուշակելուց հետո սկսում ենք տոնական միջոցառումը, որի նպատակն է ծանոթացնել ազգային մշակույթի արժեքներին, ծեսերին ու տոներին:

Անհրաժեշտ պարագաներ՝ ծառի ճյուղ, նախապես աճեցրած ածիկ, խաղալիք ձվիկներ, գունավոր թելեր, ջրաներկ, նախապես կարմիրով ներկված ձևեր:

Պարապունքի ընթացքը՝ Երեխաների հետ նստում ենք կլոր սեղանի շուրջ և խաղալիք ձվերը նկարագարում ենք, թելերով նախշում, կերտավորում՝ քիթ, բերան, աչքեր, բեղեր, մազեր և այլն: Ձու-տիկնիկներ ենք պատրաստում: Ծառի ճյուղը բերում ենք կենտրոն, զարդարում այն ձու-տիկնիկներով: Մեկ ուրիշ սեղանի վրա դնում ենք գատկական բոլոր կերակուրները՝ չամչով փլավ, ձուկ, ավանդական գաթա, կարմիր գինի և այլն: Ածիկը գեղեցիկ դասավորում ենք կարմիր ներկված ձվերով: Հնչում է շուրջպարի երաժշտությունը(Խնկի ծառ): Բոլորը մեծ շրջան կազմած «գովնդ» են պարում: Երեխաներից մեկը ծեսի ընթացքում գատկածառն է պարեցնում: Երեխաների մի խումբը (երաժշտության դադարից հետո).

-Զատկե -գատի՛կ է, նավակատի՛կ է, չամչե հատի՛կ է:

Մյուս խումբը. - Կարմիր ձու տուր, կարմիր օր տամ:

Բոլորը երգում ու պարում են « արև՛, արև՛, ե՛կ, ե՛կ » :

Երգի ավարտից հետո բոլորը.

-Մարիա՛մ խաթուն, Մարիա՛մ խաթուն,

-Իջի՛ մեր տուն,իջի՛ մեր տուն:

Ես քեզ կտամ նուշի կտոր:

Բոլորը երգում են « զա՛րկ, բոլոճիկ երգը» և խաղում: Խաղում են գույգ-գույգ, գույգի մեկը կքանստում է(գնդակ է դառնում և կքանստած թովում է գնդակի նման), մյուսը կանգնում է նրա գլխավերևում և շատ թույլ հարվածելով(գնդակի գլխին)՝ խաղացնում է նրան: Մյուսները տեղերում են երգում և նույն խաղը խաղում: Խաղից հետո գատկական ասույթներ են արտասանում՝

Դռան առաջ հերկեցինք ,գատկի ձվեր ներկեցինք,

Դրկցին ողջույն տվեցինք:

Կարմիր ձու տուր, կարմիր օր տամ:

Զատիկն առանց ձվի չի լինի:

Ասույթներից հետո բոլոր երեխաները մոտենում են տոնական սեղանի շուրջ՝ համտեսելու գատկական ուտելիքները միմյանց մաղթելով՝ բարի ախորժակ:

Այսպիսով կազմակերպելով այս փոքրիկ միջոցառումը երեխաները ծանոթացան հայկական ժողովրդական ծեսերից մեկին՝ Սուրբ Զատիկին: Դարձան տոնի անմիջական մասնակիցը և կատարողը:Սովորեցին ծիսական երգ-պարին ու խաղին: Երեխաների անդադար ժպիտները, ակտիվ մասնակցությունը, բարձր տրամադրությունը և մեծ հետաքրքրությունը տոնի հանդեպ հասավ ակնկալվող արդյունքին:





Մեթոդիստի դիտարկումը պարապմունքի վերաբերյալ

Դիտարկման նպատակն է դաստեարակի պատրաստվածությունը պարապմունքին և երեխաների գիտելիքների, կարողությունների, հմտությունների որակի մակարդակի ուսումնասիրությունը: Պարապմունքի թեման է «Սուրբ Զատիկ» տոնի անցկացումը մանկապարտեզում: Դաստիարակի նպատակն է ծանոթացնել ազգային ծեսերին ու տոներին: Պարապմունքն սկսվեց զրույցով և հանելուկներով: Այն թեմայի նպատակային քննարկումն էր, որը կազմակերպված էր և լավ մշակված, ինչն էլ օգնեց երեխաներին անմիջապես կռահել պարապմունքի թեման: Դաստիարակը սովորեցնում էր երեխաներին տրամաբանորեն և կապակցված արտահայտել իրենց մտքերը:

Երեխաները դաստիարակի օգնությամբ կատարեցին մի շարք գործնական աշխատանքներ(ներկեցին ձվերը, խաղալիք ձվերը նկարազարդեցին, ծառի ճյուղը զարդարեցին ձու-տիկնիկներով): Ներկայցրեցին զատկա ուտեստները, բացատրեցին դրանց խորհուրդը: Երեխաները շատ ակտիվ էին, ազատ, նրանց տրամադրությունը էլ ավելի բարձրացավ երբ սկսեցին խաղալ, երգել ու պարել: Խմբասենյակում տիրում էր տոնական մթնոլորտ: Դաստիարակի հարցերը հստակ էին, համառոտ և հասկանալի երեխաներին:

Ուսուցումը իրականացվեց համատեղ գործունեության ընթացքում , որտեղ ն՛
երեխան, ն՛ դաստիարակը նույն հարթության մեջ էին: Դաստիարակը պարապմունքի
ընթացքում խորհրդատու էր, օգնական, ավագ ընկեր և ոչ թե թելադրող:
Դաստիարակը հասավ իր նպատակին, աշխատանքները ուղղված էին ուսումնական
հանձնարարությունը լսելու և կատարելու, ընկերների պատասխանները
լսելու կարողությունների ձևավորմանը:

Ազգային տոներն ու ծեսերը յուրաքանչյուր ազգի ինքնության կարևոր
բաղադրիչներից են: Հայկական ավանդական ծեսերն ու տոները արտացոլում
են ազգային առանձնահատկությունները և տալիս են պատկերացում նրա
կենսակերպի, արժեքների առօրիայի մասին, ուստի այդ արժեքները պահպանելու և
սերնդեսերունդ փոխանցելու համար իր ուրույն տեղն ունի նախադպրոցական
կրթության ոլորտը:

Մեթոդիստ ` Հասմիկ Մովսիսյան

ԳԼՈՒԽ 2

ԾԵՍԵՐԻ ԵՎ ՏՈՆԵՐԻ ԴԵՐՆ ՈՒ ՆՇԱՆԱԿՈՒԹՅՈՒՆԸ ԸՆՏԱՆԻՔՈՒՄ

Գնալով ընտանիքի լրջագույն խնդիրն է դառնում սերունդների միջև առկա տարածությունը կամ ճեղքվածքը: Տեղեկատվական տեխնոլոգիաների զարգացումը գլխիվայր շուռ են տվել մարդկային պատկերացումները, զարգացումը, մտավոր, ֆիզիկական և հոգեբանական պատկերացումները: Այլևս անցյալի պես ընտանիքը, ավանդույթները և ավանդական ծեսերը հասարակական կյանքին ծանոթանալու միակ աղբյուրը չեն համարվում: Հասարակության մեջ ընդգրկվելու պայմանների մի մասն են համարվում վիրտուալ և տեղեկատվական ինֆորմացոն հոսքին մշտապես հետևելը, որոնք ավելի մեծ ուշադրության են արժանանում և երբեմն էլ նվազագույնի են հասցնում ընտանիքի և ավանդույթների ազդեցությունը:

Ծնողները երբեմն մոռանալով զավակների հետ իրենց սերնդի տարբերությունները, նրանց չեն դաստիարակում ապագա կյանքի համար՝ անտեսելով մանկապարտեզի հետ համագործակցությունը: Ընտանիքի անդամները նույնպես պետք է լինեն տեղեկացված, մշտապես կրթվեն և կատարելագործվեն, տեղեկություններ ձեռք բերեն տեղեկատվական նոր դաշտի, նորօրյա առաջադիմությունների և տեխնոլոգիաների վերաբերյալ, որպեսզի կարողանան և՛ օգնեն իրենց զավակներին և՛ կարողանան հսկել նրանց գործունեությունը: Ծանոթ լինելով դարաշրջանի նորարարություններին՝ ծնողները կարող են ավելի լավ ընկալել իրենց զավակների կարիքները, նորովի կազմակերպել երեխաների հետ կապը: Ծեսով ուսուցումը ազգապահպան գործառույթ ունի: Ընտանեկան միջավայրը մեծ դերակատարում և ներդրում ունի երեխաների ծեսի յուրացման գործում՝ շատ ժամանակ լինելով ծնող-երեխա-դաստիարակ կապի գլխավոր բաղադրիչը: Ամփոփելով միտքը՝ կարող ենք ասել, որ ծեսերն ու ավանդույթները պետք է դառնան ընտանեկան միջավայրի բաղկացուցիչ մասը և այդ գործում անելիքները ոչ միայն դաստիարակին են, այլև ընտանեկան և կրթական միջավայրին, որտեղ ձևավորվում, զարգանում և հասունանաում է երեխան որպես անհատ: Դառնալով դարերից եկող ավանդույթները

կրող անձ՝ երեխան ինքը ծեսերն ու տոները կապանդի իրենցի հետո եկող սերունդներին:

ԵԶՐԱԿԱՑՈՒԹՅՈՒՆ

Ուսումնասիրելով թեման, կարող ենք արձանագրել, որ յուրաքանչյուր սերունդ ապրելով իր ժամանակաշրջանում, այնուամենայնիվ կարիք ունի նախորդ սերնդից վերցնելու որոշակի փորձառություններ, տարրեր և առանձնահատկություններ: Փորձել ենք առանձնացնել կետեր, որոնք կարևոր են նախադպրոցական երեխաների դաստիարակման փուլում.

1. Եթե ժողովրդական ծեսերն ու տոները ներկայացնենք խաղի, երգի և պարի միջոցով, ապա կնպաստենք երեխայի խոսքի, մտքի, տրամաբանության, ճկունության զարգացմանը:

2. Եթե մենք՝ դաստիարակներս, տոնական միջոցառումներում կրկնապատկենք բեմական ներկայացումները, սյուժետադերային խաղերը, ապա երեխաների մեջ կսերմանենք բարություն և մեկ քայլով կմոտեցնել բնությանը:

3. Եթե Ընտանիքը օգնի և մշտապես մասնակից լինի երեխայի ծեսով դաստիարակման պրոցեսին, ապա սերնդեսերունդ կփոխանցվի մշակութային արժեքները :

4. Ծեսերը օգնում են առավել խորն ընկալել ժամանակի ու հասարակության թելադրած պայմանները և ամեն տոն ներկայացնել դրանց համահունչ, չկորցնելով ազգային մշակութի ուրույն դիմագիծը:

Ամփոփելով մեր ուսումնասիրության արդյունքները, եկանք այն եզրահանգման, որ նախադպրոցական կրթական գործընթացում ճիշտ ընտրված կրթական միջավայրը միայն կնախապատրաստի նրանց կյանքի գործունեության բոլոր ձևերում՝ դարձնելով բնասեր, ազատ, աշխույժ, ինքնուրույն և բարի:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

ՁԵՌՆԱՐԿՆԵՐ

Հայ ժողովրդական տոները - Հրանուշ Խառատյան-Առաքելյան

https://tert.nla.am/archive/HAY%20GIRQ/Ardy/2001-2011/toner_2005.pdf

Խաղաղարան

ԿԱՅՔԵՐ

<https://liliazakharyan.wordpress.com/>